

ATA: Integracion di turismo den nos educacion



Como un siguiente paso den e esfuersonan di A.T.A., tur klas 4 y 5 di scolnan basico na Aruba a ricibi e buki "Benchi y Lina". Muchanan di Kudawecha Basisschool, A.T.A. su "Kids Council", tambe a ricibi e buki aki riba dialuna 12 di December. E buki aki a wordo produci pa A.T.A. y ta

contene diferente ehercicio-nan unda muchanan ta seña mas di Aruba y nos turismo pa medio di un recorrido rond di nos isla cu Benchi y Lina. Di es manera aki A.T.A. ta sigui enfoca riba un desaroyo turistico duradero y ta sigui haci esfuerso pa trece turismo na nos scolnan, cerca nos



hobennan. Ta yama danki na Kudawecha Basisschool pa a brinda e oportunidad pa asina

atrobe topa cu e "Kids Council" y duna nan respectivo bukinan.

ORANJESTAD - Aruba ta conoci pa su hospitalidad y su hendenan amabel. Aruba Tourism Authority tin e meta pa mantene e bentaha competitivo aki y p'esey ta enfocando riba e aspecto aki pa medio di training y educacion.

Esaki ta importante pa ambos esunnan cu ta labora den e sector turistico pero tambe pa e comunidad en general. Fuera di esaki, A.T.A. ta haya importante pa trece e conocimiento aki tambe bou di nos hobennan.

Pa e motibo aki A.T.A. a uni forza entre otro cu "Missing Chapter Foundation" y taconta cu un "Kids Council" cual tin e tarea y meta specifico pa brinda comentarionan y ideanan pa un curiculo tocante turismo, cu mester ta informativo y atractivo pa e muchanan cu lo haya e informacion aki na scolnan. Ademá di esaki, A.T.A. tambe a forma parti di e Carrousel di Educacion cu a tuma luga October ultimo, pa asina acumula mas informacion pa cu creacion di e curiculo pa medio feedback di studiantenan y docentenan di scol.

